

**"Ақмола қаласындағы "Қазақстан-Полиалпан" акционерлік қоғамының өндіріс алаңдарында орналасатын "Полиалпан жылу өткізбейтін панельдер жасайтын зауыттың" инвестициялық жобасын жүзеге асыру туралы**

Қазақстан Респубикасы Министрлер Кабинетінің Қаулысы 1995 жылғы 20 наурыздағы N 308

Республикада энергия көздерінің аса тапшылығын ескеріп, жылу өткізбейтін материалдарға деген қажеттілікті қанағаттандыру мақсатында және шет ел кредиттерін тарту жолымен "Қазақстан-Полиалпан" акционерлік қоғамының өндірістік базасын құру үшін, "Қазақстан Республикасының экономикасына шет ел капиталын тарту процестерін мемлекеттік басқару мен реттеудің тиімділігін арттыру жөніндегі шаралар туралы" Қазақстан Республикасы Президентінің 1995 жылғы 19 қаңтардағы N 2035 Жарлығына сәйкес және жаңа тұрғын үй саясатын жүзеге асыру мемлекеттің басым бағыты болып табылатынын ескере отырып, Қазақстан Республикасы Премьер-министрінің 1995 жылғы 3 ақпандағы N 37 өкімі негізінде Қазақстан Республикасының Министрлер Кабинеті қаулы етеді:

1. Ақмола қаласындағы жылу өткізбейтін панельдер жасайтын зауытты салуға бағытталған "Қазақстан-Полиалпан" акционерлік қоғамы мен Германияның "Полиалпан-фасседенсистеме" фирмасы арасында жалпы сомасы 49,7 (қырық тоғыз млн . жеті жүз мың) млн. неміс маркасына жасалған контракт мақұлданын.

2. Осы контрактіні қаржыландыру Қазақстан Республикасына берілген Германия кредит желісі шеңберінде жүргізілсін.

3. "Қазақстан-Полиалпан" акционерлік қоғамы:

Қазақстан Республикасының Қаржы министрлігіне және мемлекеттік Экспорт-импорт банкіне барлық қажетті кепілдіктерді беретін болсын;

қызмет көрсететін банктерге аванс, сақтандыру жарнасын, комиссиялық төлемді, сондай-ақ проценттерді төлеуді және берешектерін одан әрі өз қаражаттары есебінен өтеуді қамтамасыз етсін.

4. Қазақстан Республикасының мемлекеттік Экспорт-импорт банкі:

техникалық-экономикалық негіздемелер мен контрактіні, кредиттік келісімді негізгі сараптаудан өткізсін;

"Қазақстан-Полиалпан" акционерлік қоғамы үшін технологиялық желілер мен жабдықтар беріп тұруға жасасылған контрактіге сәйкес осы жоба бойынша Германияның кредит беруші банкімен жеке кредиттік келісім жасассын;

"Қазақстан-Полиалпан" акционерлік қоғамымен ішкі кредиттік келісім жасассын; берешекті дер кезінде төлеуді қамтамасыз ету жөнінде кредиттік келісімдерді

тоқтатуға дейін қажетті шаралар қолданылатын болсын.

5. Қазақстан Республикасының Қаржы министрлігі:

осы жоба бойынша кредит беруші банкке Үкімет кепілдігін берсін;

төлем мерзімі өтіп кеткен жағдайда "Қазақстан-Полиалпан" акционерлік қоғамының банктегі шоттарынан теңгемен және валютамен алынатын қаражатты берешектерді өтеу есебіне жатқызуға рұқсат етілсін.

6. "Қазақстан-Полиалпан" акционерлік қоғамы, Қазақстан Республикасының Экономика министрлігі, Қаржы министрлігі және мемлекеттік Экспорт-импорт банкі жобаны тиімді жүзеге асыру үшін шешімі қажет барлық мәселелер бойынша Қазақстан Республикасы Министрлер Кабинетінің қарауына дер кезінде ұсыныстар енгізісін.

7. Осы өндіріс орны Ақмола қаласында орналасады және

Қазақстанның этникалық немістерінің жинақы орналасқан аумағын өз өнімдерімен қамтамасыз етеді.

Осы жоба Қазақстанда тұратын немістердің этникалық өркендеуіне бағытталған шаралар кешеніне қосылсын.

8. Жобаны жүзеге асыру мен кредит жөніндегі төлемдерді уақытылы төлеуді бақылау Ақмола облысының әкіміне жүктелсін.

Қазақстан Республикасы

Премьер-министрі

бірінші орынбасары